

EDITORIAL

Iduso an pagpabaton ha mga Duterte ngan pag-ato ha kontra-katawhan nga rehimen Marcos

Sukwahi ha gindedemanda nga hustisya han mga Pilipino, naglalangan-langan hi Marcos ha *impeachment* o pag-akusar kan Vice President Sara Duterte, ngan ha pagpaaresto kan hadto anay President Rodrigo Duterte agud uma-tubang ha International Criminal Court. Ha luyo ini han klaro kaupay nga ebidensya han grabe nga korapsyon ni Sara, ngan mga krimen kontra ha katawhan ni Rodrigo.

Ginsusunod ni Marcos an sagdon han amo nga imperyalismo nga US nga pahunungon an iya pakigsumpaki ha mga Duterte agud diri malisang an mga langyaw nga monopolyo kapitalista nga namumuhunan ha nasud. Imbes nga pamatian an guliat han katawhan para ha hustisya, gin-uuna ni Marcos an konsolidasyon han iya poder agud hinay-hinay nga kuhaan an mga Duterte hin poder ngan impluwensya. Kalakip hini nga mga pitad an ginhihi-mo nga "loyalty check" ngan pagbala-sa han mga upisyal han AFP ngan PNP ngan reorganisasyon han National Security Council.

Pinakatuyo ni Marcos nga mas pa-hugton an kontrol ha pampulitika nga poder agud proteksiyunan an kaluga-ringon nga burukrata-kapitalista nga interes. Usa nga nangunguna nga gin-tatagan yana hin atensyon ni Marcos amo an tiarabot nga eleksyon ha Ma-yo. Gin-gagamit niya an bug-os nga gahum han estado ngan pampubliko nga pondo agud seguruhon nga mako-kontrol han iya mga alipures an Sena-do, Kongreso, ngan mga lokal nga gubyerno. An konsolidasyon han poder ni Marcos gin-gagamit niya kontra ha katawhan Pilipino ngan kontra ha iya mga karibal ha pulitika.

Ha pag-atentar nga tahuban an guliat han katawhan para ha hustisya ngan tarhugon an mga kongresista

ngan grupo nga nagduduso han *im-peachment*, naggastos an mga maka-Duterte nga lider han Iglesia ni Cristo hin gatus-gatos kamilyon kapisos agud tirukon an usa kamilyon nga kaapi hini ha mga rali hadton naglabay nga se-mana. Gin-gamit an mapan-uwat nga tema nga "pagkaurusa ngan kamura-yawan" agud tahuban an gindedemanda han katawhan nga hustisya ngan guliat agud papagbatu-non an ginkakangalsan nira nga mag-a-may nga Duterte.

Masobra usa kabulan na an

naglabay tikang han susrunod nga ginsalawad an tulo nga kaso han *im-peachment* ha Kongreso. Kundi ha pa-nguna ni Marcos, nga nagsering nga "pagkarag hin oras" ngan "diri pa na-papanahon," waray pa bisan usa hini nga tulo an gintikangan nga iproseso. Ginpapagawas han iba nga ginhuhatat ni Marcos nga maseguro nga katin ni-ya an mayoriya han Senado agud se-gurado nga masentensyahan hi Sara. An kamatuoran, nagpapakabungol hi Marcos ha guliat han katawhan ngan gin-uulang ngan ginsasabotahe an i-nisyatiba han magkalain-lain nga de-mokratiko nga sektor nga papagbatu-



non hi Sara Duterte ngan amay nga hi Rodrigo.

An pagdelatar ni Marcos ha kaso han pagpatalsik kan Sara Duterte dugang nga nagsusungong ha kangalas han katawhan Pilipino. Diri nira makarawat nga makit-an nga padayon nga nakalingkod ha poder an bise presidente nga nanguna ha maanomaliya nga pagmalgastar ha gatus-gatos kamilyon kapisos nga kwarta han katawhan. Ngan mas diri nira makarawat nga an bilyun-bilyon kapisos nga badyet han reaksyunaryo nga gubyrno nga nagtikang ha ginbaydan nga buhis han ordinaryo nga katawhan, ginbubursa han mga korap nga upisyal han gubyrno, ha panguna han burukrata-kapitalista nga hi Marcos.

Dugang nga natikahilarum an kangalas han katawhan Pilipino atubangan han natikagrabeng nga krisis ha panginabuhing, labina ha susrunod nga pagumento han presyong pagkaon, lana, ngan magkalain-lain nga papliton ha syahan nga mga semana han 2025. Padayon nga nagpapakabungol hi Marcos ha guliat han mga trabahador ngan ordinaryo nga empleyado agud umentuhan an suhol ngan sweldo, nga kulang kaupay agud mabuhing disente an mga pamilya nga Pilipino.

Waray solusyon an rehimen Marcos ha grabe nga problema han hila-

luagan nga disempleyo, ngan ginpapasibayan nala an mga tawo nga maglugaring ha pamilya han ira papakabuhian. Mas grabe pa, ginhihikawan hin kita an milyun-milyon nga paraguma, parupangisda, mga drayber han dyip ngan iba pa nga sektor ha atubangan han pag-atentar han mga burgeskumprador ngan kakunsabong langyaw nga mga kompaniya ngan bangkong agawon an ira tuna ngan panginabuhing.

Ha atubangan han hiluag nga pagantos ngan pagbagsak han panginabuhing han katawhan, tikagrabeng panmuypoy an baton han rehimen Marcos ha larang nga pamingawon an ira mga demanda. Padayon nga natikadamo an kaso han sarbeylans, pan-gigipit ha mga organisasyon, pagsalawad hin hinimu-himo nga kaso, pangaresto, tortyur ngan ekstrahudisyal nga panmatay kontra ha mga ordinaryo nga katawhan nga nagkakaurusa agud ipakigbisog an ira interes ngan kaupayan. Todo-larga an paggamit yana ni Marcos ha mga "kontra-terorismo" balaud para ha pagpuyop ha mga katungod. Mas grabe an kamutanganbha kabaryuhan kun diin butad nga balaud militar an gin-iimponer ha yukut-yukot nga mga barangay nga ginkokontrol ngan ginhahadi-hadian han mga pasista nga sundalo.

Agud ipasulong an kaupayan ngan katungod han masa han katawhan Pilipino, kinahanglang pursigido nga butukon an ira ranggo ngan tagan hin gamhanan nga porma an ira kangalas ha mga krimen ngan sala han mga Duterte, ngan ha nagpapadayong bukrurata-kapitalista ngan pasista nga paghahadi ilarum ni Marcos. Mas pakusgon an hiluag nga nagkakaurusa nga prente agud tirukon an ngatanan nga sektor, organisasyon ngan mga indibidwal ha panawagan nga pagabatunon an mga Duterte. Kinahanglang bug-usong an magkalain-lain nga porma han asosasyon ngan mga alyansa, pormal man o diri pormal, agud maghat an pinakahiluag nga masa nga magpartisipar ha magkalain-lain nga porma han paggios ngan pagpahayag hin araba.

Kinahanglang mapagdesisyon nga ipasulong an demokratikong kagiusan masa agud pagabatunon an mga Duterte ngan pakusgon an pagatong pagtukot ha mga Marcos ngan ha kabug-usang burukrata-kapitalista nga sistema. Paborable kaupay an sitwasyon agud pukawon an masa ngan paspas nga pahiluagong ira organisadong ranggo. Matambok an tuna agud tinagdamo nga pabuthuon an mga unyon ngan asosasyon masa ngaduha ha kasyudaran ngan kabaryuhan.

Hakbuton an paborable kaupay nga sitwasyon agud ipasulong an panekonomiya ngan pampulitika nga mga pakigbisog han masa ngan magkabot han mga kadaugan ha ira mga pakigbisog. Kinahanglang isumpay iton ha mga pagatong rehimen US-Marcos ngan ha pagpapasulong han nasyunal-demokratikong kagiusan.

Kinahanglang pursigido nga gumios ngan dugang nga magpakusog an mga kadre ngan kaapi han Partido agud magserbe nga rubas han mga pagatong han masa. Hira an lamrag ngan giya ha pagpasulong han masa ha atubangan han makuri nga dalan han pakigbisog. Kinahanglang tukuron an mga sikreto nga asosasyon masa nga direkta nga nasuporta ha pagpasulong han armado nga pakig-away, ngan nagpupukaw ha masa nga umapi ha Bagong Hukbong Bayan.



Tuig LVI Ihap 2 | Enero 21, 2025

Igin-gagawas an Ang Bayan ha lenggwahe nga Pilipino, Bisaya, Iloko, Hiligaynon, Winaray ngan Ingles.

Nakarawat an Ang Bayan han mga kontribusyon ha porma han mga artikulo ngan balita. Gin-aaghat liwat an mga mambarasa nga magpaabot hin mga susong ngan rekomendasyon ha ikauuswag han aton mantalaan.

Gin-uunod

Editorial: Iduso an pagpabaton ha mga Duterte ngan pagatong kontra-katawhan nga rehimen Marcos 1

Rebolusyunaryo nga palisiya ha eleksyon 3

Kagiusan nga pagtutul-id han mga panrehiyong komite 4

Pan-gigipit ha mga kandidato han Makabayan 5

Ulos 2024, gin-imprenta han Armas 5

Ika-56 nga anibersaryo han PKP, ginselebrar 5

Hampak han higtaas nga presyong pagkaon 6

Ha dagmit nga pulong 7

Tinuyo nga pagpatay ha Negros Island 8

Mga protesta 8

Trump, hulga ha bug-os nga kalibutan 9

Ceasefire giutan Palestine ngan Zionista nga Israel 10

An Ang Bayan igin-gagawas duha kabeseng kada bulan han Komite Sentral han Partido Komunista ng Pilipinas

 ang.bayan@cpp.ph

Rebolusyunaryo nga palisiya ha panahon han reaksyunaryo nga eleksyon

U pisyal na nga nagtikang an panahon han reaksyunaryo ng eleksyon hadton Enero 12. Magpapaisan-isanay ngan magsusungayay hini an mga kandidato agud makuha an diri mamenos ha 18,000 nga pusisyon ha gubyrno ngan pahimulsan an burukrata-kapitalista nga sistema. Maggigitgitay hini an dagko nga *warlord* ngan mga dinastiya ha pulitika ngan dudrungan nira nga tatamakan an interes han katawhan. Gamit nira an ira mga armado nga maton, pulis ngan pwersa militar.

Ha atubangan hini, hugot nga ginpapatuman han rebolusyunaryo nga kagiusan an naeksister nga mga palisiya ha panahon han reaksyunaryo nga eleksyon ha lugop nga erya han operasyon. Ha mando han Partido, se-seguruhon han Bagong Hukbong Bayan (BHB) an pagpanginano ha kaupayan, mga katungod ngan interes han katawhan.

Kaangayan nga ipahinumdom ha ngatanan han naglalanat hin pwesto ha reaksyunaryo nga gubyrno nga hugot nga ipapatuman an mga palisiya ha mga rebolusyunaryo nga erya. Tutugutan an mga kandidato ngan ira mga tagsuporta nga mangampanya subay ha mga naeksister nga pagsurundon.

Gindidiri an mga pulitiko nga magdara hin mga armado nga tawuhan ngan mga eskort nga pulis ngan militar nga kasagaran gin-gagamit agud hadlukon an katawhan. Diri papasibayan

an iba pa nga porma hin panmirit, paggamit hin armado nga pandarahug, labina han mga burukrata-kapitalista nga nagamit ha pondo han katawhan kontra ha katawhan. May epektibidad an mga mando ha BHB nga kumpiskahon an mga armas han mga kandidato ngan ira mga armado nga maton. Kun kinahanglan, ipapatuman ini pinaagi han mga tsekpoynt ngan iba pa.

Kinahanglan targeton han BHB an mga yunit han AFP ngan PNP, hasta na liwat an mga armado nga tawuhan han mga reaksyunaryo nga pulitiko, nga gagamiton an kampanya ha eleksyon ha mga prente gerilya komo taha hub ha mga operasyon nga paniktik kontra ha Partido, ha BHB, ha demokratiko nga gubyrno han katawhan ngan ha rebolusyunaryo nga masa.

Antes mangampanya ha mga rebolusyunaryo nga erya, ginkikinahanglan nga magpahibaro an mga pulitiko ngan makigsumpayan ha mga lo-

kal nga yunit han BHB. Importante ini nga koordinasyon agud malikyan an bisan ano nga insidente, kalakip an mga kumprontasyon giutan han mga armado nga maton han magkaribal nga pulitiko.

Segurado nga gagamiton han AFP an reaksyunaryo nga eleksyon agud papintason an mga pankombat nga operasyon hini, pampulitika nga panmuypoy ngan pagkontrol ha mga barangay ha kabaryuhan ha balayan han kontra-insurhensiya nga gerra. Ha luyo nga gapil, uunaton liwat hini an AFP ngan PNP nga obligado nga isarang ha magkalain-lain nga bungto nga tutudlukon nga "red, orange ngan yellow-risk" basar ha kagrabihon han banggaay han mga lokal nga pulitiko, hasta an "presensya" han BHB. Lehitimo nga target han BHB an mga pankombat nga yunit han AFP.

Hugot nga gin-aghat han Partido an mga kandidato nga dumiri ha mga tanyag han armado nga seguridad tikang ha AFP, tungod kay gin-gagamit la ini han militar agud himuon an pampulitika nga panmuypoy.

Kaagsuban, an mga burukrata nga ginpaburan han militar amo gihapon an nakikigkonsabuhay ha pasista nga kampanya han panmuypoy ha kabaryuhan. Pinakatuyo han ira mga operasyon nga puypuyon an pag-ato han katawhan ngan depensahan an interes han mga dagko nga agaron maytuna, dagko nga negosyo ngan mga langyaw nga kompaniya ha pagmina ngan plantasyon.

Ha luyo han pauru-utro nga pagdeklara nga usa na gud la an "maluya nga prente gerilya" han BHB, gindeklara han Philippine Army nga "nagpapabilin [hira] nga alerto ngan padayon nga maghihimo hin mga operasyon para ha internal nga seguridad" agud maseguro an "kamurayawan ngan kaayusan" han piniliay. Ini nga mga operasyon nag-uundong han mga taktika nga "guns, goons and gold" nga kinaiya han ngatanan nga mga reaksyunaryo nga eleksyon.



Determinasyon han mga panrehiyon nga komite nga umabante ha dalan han kagiusan nga pagtutul-id

Klaro an baton han magkalain-lain nga panrehiyon nga komite han Partido Komunista ng Pilipinas (PKP) ha magkalain-lain nga parte han nasud ha kagiusan nga pagtutul-id nga ginpanawagan han Komite Sentral. Ginpahayag han mga namumuno nga komite an ira pagpursige ngan padayon nga paningkamot nga itul-id an mga nagin kaluyahan ngan pagsasayop ha naglabay nga mga tuig agud mapagdesisyon nga makaabante ha magkalain-lain nga natad han buruhaton ha kada tagsa nira nga lupog nga erya han operasyon.



Mga kadaugan ha Southern Tagalog

"Kinahanglan igselebrar an mga kadaugan han presente nga kagiusan nga pagtutul-id ha rehiyon," pahayag han komite ha Southern Tagalog nga gin-gawas han sekretaryat hini. Ginpasaro han komite nga ginpadig-on, ginkatinnan ngan ginpatuman han Partido ha rehiyon an mga buruhaton ha kagiusan nga pagtutul-id. Kalakip hini an pagpatangpos ha kampanya nga pagaram ha mga pampartido nga pagaradman ha haros lima kayukot nga kaapi han Partido ha kabaryuhan ngan kasyudaran.

Sering hini, kadak-an han mga komite han Partido madinaugon nga nakaglansar han kada tagsa nira nga kumprehensibo nga sumada han ira praktika ha naglabay nga lima katuig.

"Dugang nga ginpahilarum hini nga mga sumada an mga nahiuna nga natudlok nga mga karukayaknon ha mga ginpadig-on nga sumada ha balitang han panrehiyon nga komite," pahayag han Sekretaryat.

Nakabulig liwat an mga sumada agud dugang nga mas patarumon an mga naanalisar ngan natudlok nga kasaypanan ngan kaluyahan ha mga subrehiyon/prubinsya ngan mga prente komo mga partikular nga porma han empirismo tikang 2019 tubtub 2022.

Dugang han sekretaryat, "Gintudlok an hamabaw, pan-gawas ngan usahan-nga-gapil nga pagsantop ha kamutangan ngan mga butang, kasaypanan ha istatiko (nakahunong) nga pagkulaw ha mga butang hinungdan agud magin paso an katin nga kahibaruhan

ngan diri humaum ha obhetibo nga kamutangan an kahibaruhan ngan ha sugad [nakakaapekto ha] nabubug-os nga mga plano ngan palisiya."

Ginpahayag han Sekretaryat nga "determinado ini nga dugang nga pahilarumon ngan pahiluagon ngan dad-on ngadto ha kadaugan an presente nga kagiusan nga pagtutul-id." Sugadpaman, reyalistiko gihapon hini nga ginpahayag nga samtang may dako nga pag-abante diri pa nagkakamayda hin mapagdesisyon nga birik ha pagpugong ha mga destroso ngan pag-atras han mga rebolusyunaryo nga buruhaton ngan pwersa ha kabaryuhan ngan kasyudaran han rehiyon samtang may parte pa nga nagpapadayon an pag-atras.

Pagpursige ha Negros Island

Dirudiretso nga ginpadig-on han Komite han Rehiyon ha Negros Island an panawagan han Komite Sentral para ha kagiusan nga pagtutul-id. Ha naglabay nga tuig, ginsumat hini an pagrebyu han Partido ngan mga kaapi ha nahiuna na nga nabug-os hini nga 22 katuig nga sumada han rebolusyunaryo nga pakig-away ha isla tikang butnga nga parte han dekada 1990. Ginpasaro nira nga amo ini an ginbasaran han Komite para ha 5-katuig nga sumada para ha 2017-2022.

"Nakagtirok kita hin bulawanon nga mga leksyon komo madig-on nga basaranan han pankabug-usan nga plano ngan direksyon nga labaw pa nga makakapakusog ha pundasyon han aton Partido," pahayag han Komite

hiunong ha sumada. Gintudlok hini an positibo nga eksperyensya han kolektibo nga pagsuma han mga buruhaton han kada komite tubtub ha balitang han prente gerilya.

Ginpasulong han Komite an kampanya nga pag-aram ha mga dokumento nga gin-gawas han Komite Sentral nga kinahanglan dirudiretso nga adman. Kalakip hini an tulo-kabalitang nga kurso han Partido nga ginhi-mo ha magkalain-lain nga organo ngan masa nga kaapihan basar ha nagin plano ha edukasyon han rehiyon. Linutaw ha ira ranggo an bag-o nga mga instruktur ngan mga bag-o nga kaapi han Partido.

Pasaro pa nira, samtang gin-aadman ini nga mga teoretikal nga dokumento, praktikal nga nakabulig ha rehiyon an kolektibo nga pag-aram ha Rebolusyon, an teoretikal nga dyornal han Partido, ngan mga memorandum tikang ha Komite Sentral agud ungbawan an mga sayop nga kabatasanan ngan ideya. Dako kuno an nagin bulig han paghubad han mga dokumento, kurso ngan barasahon ngadto ha lenggwahe nga Hiligaynon para ha mas masayon nga pag-intindi han mga kaapi, labina an mga nagtikang ha bataan nga klase.

Ha atubangan han mga *focused military operations* (FMO) han rehimen US-Marcos, nakagpursige an Partido ngan hukbo han katawhan ha rehiyon ha bulig han kagiusan nga pagtutul-id. Nahimo hini nga pahiluagon an gin-gigiusan nga erya han lima nga prente gerilya ha isla kun itatanding ha nagla-

Sundan ha paypay 5

**Pan-gigipit ha mga
kandidato han Koalisyon
nga Makabayan, natikagrabe**

HA TIARABOT NGA *midterm* nga pi-niliay, natikagrabe an atake ngan pan-gigipit han rehimen Marcos ngan armado nga pwersa hini kontra ha mga kandidato ngan partido ilarum han Koalisyon nga Makabayan.

Hadton Enero 15, inatubang ha Office of the City Prosecutor of Manila an mga kandidato ha pagkasenador han Makabayan agud magsalawad hin kontra-salaysay ha kaso nga ilegal nga assemblya o pagtalapas ha Public Assembly Act o Batas Pambansa 880 nga ginsalawad kontra ha ira han mga pulis. Kasumpay ini han gios protesta hadton Nobyembre 30, 2024, Adlaw ni Bonifacio, ha Mendiola ha Manila.

Napuloh ha 11 nga kandidato ha koalisyon an gindabi ha kaso kaupod an nominado han Bayan Muna Party-list, mga lider han Alliance of Concerned Teachers ngan Alliance of Health Workers. Mahinunumduman nga nahina na nga ginkasuhan hira KMU Chairperson Elmer "Ka Bong" Labog ngan Nilo Mortifero, kaapi han Bayan Muna nga ilegal nga ginaresto han mga pulis ha adlaw han protesta.

Hadton Enero 10, nagpagawas han memorandum an Bureau of Jail Management and Penology (BJMP) nga nagmando nga "hugot nga bantayan" an mga priso nga gintatahan nga may sumpay ha Partido Komunista ng Pilipinas (PKP) o mga aliyado hini. Gintudlok liwat ha mando nga kinahanglan bantayan an kandidato ha pagkasenador nga hi ACT Teachers Rep. France Castro tungod ha agsub nga pagbisita ha prisuhan. Ginpapagawas nga ginsusugo kuno niya an mga priso pulitikal nga kumubra hin pondo tikang ha mga "drug trafficker" ha prisuhan. Natikadamo gihapon an nakakarawat ni Castro nga hulga ha iya kinabuhì.

Samtang, haros kada adlaw an pagpagawas han National Task Force-Elcac hin mga pahayag han *Red-tagging* ngan pagpasamwak hin buwa kontra ha Makabayan, mga partido ngan kandidato hini.

Ulos 2024, gin-imprenta han Armas

GIN-GAWAS HAN ARTISTA at Manunulat ng Sambayanan (Armas) an Ulos, pankultural nga dyornal, para ha 2024 hadton Enero 13, adlaw han ika-38 nga anibersaryo han grupo. Tinuyok an isyu han Ulos ha tema han dirudiretso nga pagpasulong han nasyunal-demokratiko nga rebolusyon ngan pagpursige han Partido, hukbo ngan rebolusyunaryo nga masa ha balayan han kagiusan nga pagtutul-id.

Gin-uunod han isyu an mga sanaysay, luwa, estorya, kanta, drowing ngan iba pa nga obra nga naglaladawan ha mga sakripisyo ngan pagantos ha kinabuhì-ngan-kamatayon nga pag-ato han mga rebolusyunaryo. Ginlaladawan hini nga mga pyesa an puthaw nga pagkaurusa han mga rebolusyunaryo nga pwersa ha masa ngan an makurimot nga paghimo hin buruhaton masa agud balikan an nabayaan ngan makarekober.

An isyu han Ulos 2024 mayda 150 kapaypay nga nag-uunod hin obra nga nakasurat ha Pilipino, English, Iloko, Bisaya ngan Hiligaynon.

Poyde magkuha hin kopya han Ulos 2024 ha philippinerevolution.nu o mag-aro hin kopya tikang ha *e-mail* nga ulos@ndfp.org. Mag-antabay la ha bag-o nga anunsyo han Armas ngan Ulos para ha pagtirok han mga kontribusyon ha masunod nga edisyon hini yana nga tuig.

**Ika-56 nga anibersaryo han PKP, ginselebrar
ha South Quezon Bondoc Peninsula**

SIMPLE, KUNDI MAHINUNG DANON an selebrasyon han Bagong Hukbong Bayan-Quezon (Apolonio Mendoza Command) ha ika-56 nga anibersaryo han Partido Komunista ng Pilipinas. Ginlansar nira an estilo nga kapehan nga pagsalin-urog ha usa nga prente ha South Quezon-Bondoc Peninsula.

Ha programa, ginpasidunggan han yunit an mga martir han Quezon ha naglabay nga tuig. Naghatag hin pahayag hin pakig-usa an mga bisita nga tinambong nga nagtikang ha mga aliyado nga asosasyon han National Democratic Front of the Philippines (NDFP) sugad han Kabataang Makabayan at Artista at Manunulat ng Sambayanan.

Antes pa an Kapehan ginbasa ngan gin-adman han Pula nga hukbo an pahayag han Komite Sentral ngan mensahe han Sekretaryat han Komite nga Tagpatuman han Panrehiyon nga Komite han Partido ha Southern Tagalog ha anibersaryo han Partido. Ginpadig-on han mga pahayag ngan mensahe an panawagan nga "Magtul-id ngan Umabante!" nga amo gihapon nga tema han Kapehan.

Parte liwat han selebrasyon an pangaon han guti nga tima nga pagkaon, saru-saruay han eksperyensya ha naglabay nga tuig, pagburda, pagdrowing, karantahay ngan pagbasa hin pira nga Marxista-Leninista-Maoista nga libro.

Tikang ha paypay 4

bay nga tuig. "Ha butnga han mga sakripisyo ngan kakurian ha pagpasulong han armado nga rebolusyon, napugngan an huyob han pag-atras. Kundi, dinako an BHB yana nga tuig itanding ha naglabay nga tuig," sering han Komite.

Linutaw an bag-o nga kusog nga may kumpyansa ha ranggo han mga Pula mangaraway tungod ha naabot nga konsolidasyon ngan mga treyning ha pulitiko-militar. Diri mamenos ha 36 nga opensiba an ginlansar han Pula nga hukbo ha naglabay nga tuig. Nakumpiska hini an 17 nga mga armas, bala ngan iba pa nga higamit militar nga mag-aarmas ha bag-o nga mga rekrut han BHB. Nagin baton ini han BHB ha panawagan para ha hustisya han ura-ura kadamo nga biktima han mga pagtalapas ha tawhanon nga katungod han militar ngan pulis.

AB

Hampak han higtaas nga presyo han bugas ngan iba nga papliton ha katawhan Pilipinoo

Imbes nga bugas nga tag-₱20 kada kilo, kamatis nga tag-₱20 kada usa an tinapo ha mga Pilipino ha pagsakob han 2025. Antes mahuman an Enero, aantuson liwat han katawhan an maabot ha 10% nga umento ha presyo han 60 nga batakan nga produkto, tubtub ₱2.70/litro nga utro nga paghitaas han mga produkto nga petrolyo, ngan dugang nga ₱15 kada biyahe ha LRT. Ini nga mga dugang nga arantuson maluon ha nahiuna na nga ginbalita nga umento ha sukot ha kuryente ngan tubig ngan dugang nga pag-iban ha sweldo han mga naghuhulog ha SSS o Social Security System. (Kitaon an kasumpay nga artikulo nga "Baga-kalamidad nga destroso an dara han rehimen US-Marcos ha katawhan," *Ang Bayan*, Enero 7, 2025).

Diri la waray pulos, baratunon mismo han rehimen Marcos an dirudiretso nga pag-umento han sukot ngan presyo han mga papliton, labina han bugas, nga nagpapabagsak ha kalidad han kinabuhi han mga Pilipino. Imbes nga pakusgon ngan suportahan an lokal nga produksyon han bugas, dugang hini nga igin-abre an lokal nga merkado ha pagbaha han mahal nga imported nga bugas. Palpak an palisiya nga pag-iban han taripa ha imported nga bugas nga ginpapatuman komo pabor ha dagko nga importer ngan ismagler han bugas.

Gin-amin mismo han mga upisyal han Department of Agriculture ha mga pagbista ha Kongreso hadton Disyembre 2024 ngan hadin Enero an kawaray pulos han pag-iban han taripa agud paluruson an presyo han bugas. Sering nira, naghimubo an "landed cost" han imported nga bugas hin tubtub ₱8 kundi nagpapabilin nga lahos ha ₱50 an presyo han gin-iimport nga bugas ha merkado. Samwak an *hoarding* (pagtago han suplay) agud igpabilin nga hitaas an presyo. Hadton Disyembre 2024, ₱54.97 an abereyds nga presyo han kada kilo han *well-milled* nga bugas. Aada ha 23.3% o ₱10 nga mas hitaas ini itanding ha ₱44.54 kada kilo hadton Disyembre 2023. Ha luyo nga bahin, binagsak hin tubtub ₱10 an pagpalit han lokal nga humay kada kilo ha pareho nga panahon.

Resulta han waray wantas nga pag-umento

han presyo han pagkaon ngan iba pa nga papliton an pagbagsak han tinuod nga balor han piso. Hadton 2024, an tinuod nga balor han usa kagatos ₱79 nala. An napapalit hadton 2018 nga ₱100 manginginahanglan na yana hin ₱121.

Ikatulo nga parte han gin-gagastusan han mga pamilya nga Pilipino amo an pagkaon. Tungod hini, mas hitaas an tantos han implasyon ha pinakakablas nga mga pamilya. Anuman nga umento ha presyo, ano man ini kaguti, magdudurot hin pagluros han ira kapas nga pumalit ngan batunon an ira batakan nga mga panginahanglan.

Susrunod nga kalamidad

Ginpagrabe an higtaas nga presyo han papliton han destroso nga gindurot han susrunod nga kalamidad ngan kawaray pulos han rehimen nga batunon an panginahanglan han katawhan ha atubangan hini. An hampak han importasyon dugang nga ginpagrabe han pagsulod han usa nga siklo han usa ha pinakagrabe nga El Niño Southern Oscillation (ENSO) tikang pa katunga han 2023. Ha syahan nga ka-

tunga han 2024, hinampak an ikog han El Niño nga nagresulta ha grabe nga kathuraw ha 12 nga prubinsya. Nadeistroso hini an pakabuhi han masobra 300,000 nga parag-uma ha 17 nga prubinsya ngan nagruba ha paninangun nga nabalor hin ₱15.3 kabilyon.

Ginsundan an kathuraw hin magkusog nga pag-uran, bagyo, ngan uran nga dara han *shearline* (diin nagbanggaay an mapaso ngan mataghum nga hangin) nga nagdara naman han mga pagbaha ngan pagtuno han tuna ngan nagpaanod ha magluya nga tulay, kalsada ngan bilding. Inagi ha nasud an 18 nga bagyo hadton 2024. Susrunod nga linasurbo an unom nga bagyo hadton Oktubre 27, 2024-Nobyembre 18, 2024 nga nagdestroso ha pananag-iyang panginabuhin han 15 kamilyon katawo ha 17 nga rehiyon, pinakadamo ngan pinakagrabe ha Bicol, Cagayan Valley, Central Luzon ngan Ilocos. Inabot ha ₱21 kabilyon an danyos hini pala nga unom nga bagyo ha agrikultura ngan imprastruktura. Ha paglasurbo han mga bagyo, inabot ha 2.9 kamilyon katawo an napiritan nga mag-ebakwet.

Ha pagtantiya han ahensya nga Pagasa, mahiaagum an nasud hin 6-8 nga bagyo ha syahan nga katunga han 2025, durot han paghampak han penomena nga La Niña nga parte han ENSO. An La Niña dara han mas mataghum nga hangin itanding ha normal nga temperatura ha kadagatan ha Pacific, diin nabubug-os an mayoriya han maraut nga panahon.

Hadin Enero la, damo nga bungto ngan umhanan ha Eastern Visayas, Bicol ngan Davao an gin-apo durot han dirudiretso nga uran ngan magkusog nga hangin.

Sugad han milyun-milyon nga nadeistroso, damo ha ira waray nakarawat nga bulig tikang ha reaksyunaryo nga gubyrno agud makarekober tikang ha kalamidad. AB



₱22.6 B

pondo nga pankalamidad nga nagastos han NDRRMC hadton 2024 para ha *relief and rehabilitation*, nga kadak-an (₱12.09B o 53%) nahingadto ha DPWH.

Kumarawat la an DSWD hin ₱8.135 kabilyon, samtang an DA ngan ahensya ha pabalay kumarawat la hin ₱500 kamilyon ngan ₱374.970 kamilyon.

₱129.39 M

destroso ha mga umhanan durot han pagbuto ngan dirudiretso nga pag-alburoto han **Bulkan Kanlaon** ha isla han Negros. Apektado hini an 1,343 nga parag-uma.



18,280

pusisyon ha senado, kongreso ngan lokal nga gubyrno an abrido para ha mga kandidato ha eleksyon ha Mayo 2025.

₱1 kabilyon

an nahireport nga gin-gastos han 2 nga kandidato ha pagkasenador (**Marcos, Villar**) para ha patalastas hadton Enero-Septyembre 2024 antes pa sumulod an kampanya ha eleksyon.

₱9.5 B

ginsingit han mga kongresista ha pondo para ha AICS han DSWD, programa nga pan-ayuda sugad han **AKAP**, nga nag-umento ha badyet hini ngadto ha ₱44.744 kabilyon. Sugad han AKAP, poyde ini ipanhatag ha panahon han eleksyon.

25%

an gintubo han karikuhan han tulo nga pinakariko nga Pilipino (**Enrique Razon, Manuel Villar, Ramon Ang**) tikang ₱947.3 kabilyon hadton 2023 ngadto ha ₱1.5 katrilyon hadton 2024. Ini nga tulo an tag-iya han mga kompaniya han tubig, kuryente ngan enerhiya nga waray wantas nga nag-umento han sukot hadton 2024.

6 KAMILYON
nga naimprenta na nga balota nga nabalor hin ₱150 kamilyon



an kinahanglan rub-on ngan utro nga ig-imprenta han Comelec kahuman igmandar han Korte Suprema nga ibalik an mga ngaran han pira nga kandidato nga gintanggal han ahensya.

38,000

ha 89,000 kaektarya nga tuna nga gintatanuman hin saging nga pan-eksport ha Mindanao an diri na mahigagamitan tungod kay kontaminado an tuna dinhi hin sakit nga Banana Fusarium Wilt Tropical Race 4 o TR4. Diri liwat mabubuhi dinhi an iba nga tanum nga pagkaon.

Tinuyo nga pagpatay, iligal nga pag-aresto ngan pangastigo, nahilista ha Negros Island

W aray hunong an militar nga pandarahug nga ginsabrag han mga yunit han Armed Forces of the Philippines (AFP) ha Negros Island. Ha syahan nga mga semana pala han Enero, mayda na mga kaso hin ekstra-hudisyal nga pagpatay, iligal nga pag-aresto ngan iba pa nga mga pagtalapas ha tawhanon nga katungod an mga berdugo.

Pagpatay. Tinuyo nga ginpatay han mga sundalo han 15th IB an naaresto hini nga Pula nga mangaraway han Bagong Hukbong Bayan (BHB)-Southwest Negros (Armando Sumayang Jr Command) nga hi Rodney Lumanog (Ka Wanny) hadton Enero 10 ha Sityo Cambogui-ot, Barangay Camindangan, Sipalay City, Negros Occidental. Sigon han yunit han BHB, buhi nga nadakop hi Ka Wanny kasunod han usa nga armado nga agway ha nasering nga lugar.

Sigon ha mga report, gintortyur hiya antes patayon han mga sundalo. Mayda diperensya ha siki hi Ka Wanny tungod ha usa nga operasyon hadton dekada 1990 pa ngan ginliwanan ini hin *stainless*.

Pag-aresto. Ha Sityo Palosais, Barangay Mahalang, gin-aresto han 94th IB an usa nga gin-ngangaranan nga Dado Sanchez hadton Enero 14. Sigon ha mga residente, kinadto an biktima ha iya uringan ngan waray na makabalik kahuman. Ginpirit kuno han mga sundalo hi Sanchez nga magserbe nga giya ha pankombat nga operasyon hini.

Ha Sityo Nahulop, Barangay San Antonio, gindakop han mga sundalo hira Aira Gonzales ngan Alfredo Hilado hadton Enero 15. Ginkastigo naman an asawa ni Gonzales nga hi Joseph ngan an upod niya nga amyaw. Ginpapagawas nga nakumpiska ha ira an usa nga .45 kalibre nga pistola, mga *command-detonated explosive*, ngan mga dokumento. Hito gihapon nga adlaw, iligal nga ginkumpiska han mga sundalo han 94th IB an mga selpon han mga residente han Sityo Nahulop.

Panarhug. Hadton Enero 3, gintarhug han mga sundalo han 94th IB nga pupusilon an mag-asawa nga Tasi ngan ira mga amyaw ha Sityo Kambudlis, Barangay Mahalang.

Pan-gigipit. Ginsalawdan hin kaso nga "terrorism financing" an duha nga upisyal han United Methodist Church (UMC) ngan usa nga drayber hadton Disyembre 2024. Gintatahapan han mga pwersa han estado hira Rev. Julius Neri Camannong ngan Rev. Joel Ordaneza han UMC ha Zamboanga Sibugay, ngan drayber nga hi Romeo A. Russell nga naghatag hin pinansyal nga bulig ha mga "terrorista."

An kaso kasumpay han paghatag han mga pastor hin sangtawaryo ha gin-gigipit nga mga tagdependa han tawhanon nga katungod hadton Enero 2024 ha Zamboanga Sibugay. Gin-gamit nga basaranan han mga pulis an asoy han hadto anay aktibista ngan yana ahente han estado nga hi Nelson Bautista Jr agud kasuhan an mga biktima.

AB



Disbar Duterte! Nagsalawad hin reklamo nga *disbarment* o pagtanggap komo abugado kontra kan hadto anay presidente Rodrigo Duterte ha Korte Suprema an mga biktima han iya kampanya han panmatay ngan panmuypoy hadton Enero 17. Kaupod ha 17 nga nagsalawad han reklamo hira Atty. VJ Topacio, anak han ginpatay nga mag-asawa nga rebolusyunaryo nga hira Eugenia Magpantay ngan Agaton Topacio, hi Liezel Asuncion, asawa han ginpatay nga lider-aktibista nga hi Manny Asuncion, ngan hi Llore Pasco, iroy han duha nga ginpatay ha "gerra kontra droga."

Umento ha matrikula ha UST ngan NTC, gintipahan. Nagprotesta an mga estudyante han University of Sto. Tomas (UST) ha kampus hini ha Manila hadton Enero 14 agud suknaon an *tuition and other fees increase* (TOFI) ha unibersidad. Ginpangunahan an paggios han mga nasyunal-demokratiko nga grupo ha sakob han UST. Hadton naglabay nga akademiko nga tuig ha UST, inabot ha 6% an umento ha matrikula, ngan para ha akademiko nga tuig han 2023-2024 naatubang an mga estudyante ha umento nga maabot ha 4%-10% depende ha kolehiyo.

Ha National Teachers College ha Manila, masobra 100 nga estudyante an nagpirma ha petisyon nga ginpangunahan han Ayokong Magmahal-NTC agud tipahan an namangpangan nga TOFI. Ginhimo an aktibidad kadungan han "konsultasyon" hadton Enero 16 hiunong ha ginpoproponer nga umento han matrikula han NTC.

Plano nga umento-ha-pasahe ha LRT, ginsukna. Gintapo hin protesta han mga kabatan-unan ngan estudyante an syahan nga biyahe han LRT 1-Doroteo Jose Station ha Sta. Cruz, Manila hadton aga han Enero 15. Gintipahan nira an plano nga ₱15 maksimum nga umento-ha-pasahe nga ginduduso han Light Rail Manila Corporation, an kompaniya nga nagpapadalagan ha serbisyo han LRT ha Metro Manila. Hadton Enero 9, tinambong an mga tinaglawas han mga progresibo nga organisasyon ha pampubliko nga pagbista hiunong ha umento-ha-pasahe nga ginhimo han Department of Transportation. Ginpahayag nira dinhi an ira hugot nga pagtipa.

Welga ha Handyman. Naglansar hin welga hadton Enero 6 an mga trabahador han Handyman-True Value-Pet Lovers Empowered Workers Union ha prinsipal nga *depot* (bodega) han Handyman ha Manila Bay Spinning Mills Compound ha Marikina City. Naduso hira nga bumalhin ngan tukuron an piket ha hedkwarters han Robinsons Retail Holdings Inc, (RRHI) tag-iya han Handyman ha Quezon City tungod ha iligal nga pagbungkag ha ira welga. Baton ini han unyon ha iligal nga pananggal ha diri mamenos ha 122 nga trabahador hadton Nobyembre 2024. Gintanggal hira han RRHI tungod ha pag-undong ha ira unyon.

Ikaduha nga paghahadi ni Trump, hulga ha mga trabahador ngan katawhan ha US ngan bug-os nga kalibutan

Hadton udto han Enero 20 ha Washington DC, nanumpa hi Donald Trump komo ika-47 nga presidente han US ngan pinuno han pinakamakigerrahon nga imperyalista ha kalibutan. Utro hiya nga malingkod ha poder kahuman han iya syahan nga termino hadton 2016-2020. Matindog hiya nga presidente ha usa nga senado ngan kongreso nga dominado han iya mga kapartido. Tinambong ha iya inagurasyon an iya mga tagsuporta nga bilyunaryo sugad kanda Elon Musk, Jeff Bezos ngan Mark Zuckerberg, mga tag-iya han pinakadagko nga kompaniya ha teknolohiya ha bug-os nga kalibutan.

Ha iya pamulong, ginpatuman ni Trump an mga neopasista ngan imperyalista nga palisiya nga una na nga gin-anunsyo nga ipapatuman han iya rehimen.

Nagdeklara hiya hin "national emergency" agud himuon an "pinakadako nga programa ha deportasyon ha kasaysayan han Amerika" nga pagpadayon ha kontra-migrante ngan rasista nga palisiya han iya syahan nga pangatungdanan. Kalakip ha target ideport ni Trump an gintatantiya nga 370,000 nga diri dokumentado nga Pilipino ha US. Ipapadayon liwat niya an pagtindog hin "border wall" o pader ha giutan han US ngan Mexico ngan pagpahugot ha mga palisiya han migrasyon.

Ha iya syahan nga adlaw, gin-anunsyo niya an pira ha mga ehekutibo nga kamanduan nga plano niya igawas. Kalakip hini an diri mamenos ha 10 nga palisiya ha imigrasyon, pagtanggap ha pagkilala han iba nga tawo ha guberno, paggikan han US ha kasarabutan kasumpay han pagbag-o han klima (Paris Climate Accords) ngan pagtanggap han regulasyon ha produksyon han lana ngan LNG.

Padayon gihapon nga lalanaton ni Trump an mga demokratiko ngan progresibo nga grupo ngan bisan an mga institusyon nga nag-uundong han mga sibil nga katungod ngan kontra ha militarista nga palisiya han imperyalista nga US.

Ha luyo nga gapil, pahihiluagong ni Trump an pribi-

lehiyo nga ginhahatag ha iya paborito nga mga monopolyo kapitalista ha natad han teknolohiya, enerhiya, pinansya, *real estate* ngan industriya han armas. Nagsaad hiya nga "pagugution an guberno" agud tanggalon an mga regulasyon ha mga monopolyo nga kompaniya ha kahibangan han mga empleyado ngan trabahador nga Amerikano. Kadungan hini, iibanan niya an buhis ha pinakadagko nga kompaniya nga Amerikano, tikang 21% ngadto 18%. Diri mamenos ha 13 nga bilyunaryo an nakatalaan nga magin kaparte han iya gabinete.

Dugang nga ginpakusog ni Trump an iya agresibo nga palisiya ha langyaw nga labnasan. Antes lumingkod ha poder, aamkunon (pwersahay man

o papaliton) an Greenland, usa nga isla nga mayda kalugaringon nga guberno nga mayda otonomiya nga nakapailarum ha Denmark. Ginlalawayan ni Trump an isla tungod ha importansya hini ha panmilitar nga estratehiya han US. Ha iya pamulong, gin-utro niya an tarhug nga aagawon an Panama Canal, diin naagi an 40% han mga epektos nga gin-iimport ngan gin-eeksport han US.

Agud pugngan an pagbagsak han produksyon ha US, permi ginluluwas ni Trump ha panahon han kampanya an umento ha taripa (10%-20%) ha ngatanan nga mga produkto nga nasakob ngadto ha US tikang ha iba nga nasud, kalakip an tikang ha Pilipinas. Pinakahitaas an plano niya nga ig-imponer nga taripa (tubtub 60%) ha mga produkto tikang ha China, nga ginkunksidera han US komo estratehiko nga karibal.

Kadungan hini, ginlalauman nga padayon nga mag-iimponer hi Trump hin mga sangsyon o pan-gigipit nga pitad ha ekonomiya han Venezuela, Cuba, Iran ngan mga nasud nga nag-uundong han ira katalwasan.

Ha ilarum ni Trump, waray ginlalauman nga pagbabag-o ha mapanggerra nga pagtagad han US ha karibal hini nga mga imperyalista nga China ngan Russia. Ha luyo han iya mga pahayag nga "kontra-gerra" an militarista nga panindugan nga "kamurayawan pinaagi han kusog." Nakaangkla an ginduduso niya nga ukoy-bubto

giutan han Russia ngan Ukraine ha pagkarawat han Russia ha mga kundisyon han US. Samtang gintatagad an Russia ngan Ukraine, ginpapakusog ni Trump an iya sumpayan ha makatuo ngan neopasista nga mga partido

Sundan ha paypay 10



Ukoy-bubto giutan Palestine ngan Zionista nga Israel, gintikangan na

Kahuman han 460 kaadlaw han brutal nga panmomba ngan pag-atake han Zionista nga Israel ha Gaza, nabug-os ang kasarabutan ha ukoy-bubto ha Gaza Strip. Gin-anunsyo ini hadton Enero 16 han gubyrno han Qatar, an nagserbe nga tagatuhay ha ertestorya, kaupod an US ngan Egypt. Nagin epektibo an syahan nga hugna han kasarabutan hadton Enero 19.

Ha usa nga pahayag, gindayaw han Hamas an kadig-on ngan kadakilaan han katawhan Palestino nga nagduso ha Israel nga umabuyon ha usa nga ukoy-bubto. Dako nga birik an kasarabutan ha atubangan han saad han Israel nga diri hini uundangon an pangatake tubtub ha "absoluto nga kadaugan." Ginpakyas han mga Palestino an plano han Israel nga palayason hira ngan perdihon an ira ungara agud magin talwas ha okupasyon ngan agresyon.

"An kasarabutan agud tapuson an agresyon ha Gaza usa nga kadaugan han aton katawhan, han aton pag-ato, ngan han talwas nga katawhan han kalibutan," sigon ha Hamas. Ginpangu-nahan han Hamas, kaupod an Palestinian Islamic Jihad, Popular Front for the Liberation of Palestine ngan iba pa nga grupo nga Palestino an mabayanihon nga pagdependa ha Gaza sakob hin 15 kabulan. Nagpasalamat an mga grupo ha ngatanan nga suporta ha ira pag-ato ha langyaw nga labnasan.

Ginpasidunggan nira an mga namartir nga mangaraway nga Palestino ha ira "mabayanihon ngan madig-on nga pag-ato" ha atubangan han brut-

lidad han Israel ngan US. Ginhandum nira an ngatanan nga mga inosente nga bata nga ginpatay ngan ngatanan nga gintalumpigos ngan ginpakurian han Zionista nga estado.

Maagi ha tulo nga hugna an ukoy-bubto. Landaw ha syahan an pagundang dayon han agway ngan pagpagawas han Hamas ha katin hini nga 33 nga Israeli (mga bata, babaye ngan kalagsan nga 50 katuig tipaigbaw) kasaliwan han pagpagawas han Israel hin tubtub 1,000 nga Palestino nga priso. Hini nga takna, oobligahon an Israel nga umatras tikang ha mga sentro han populasyon han Gaza ngan tagan wada an pagsakob han ura-ura nga ginkikinahanglan nga ayuda para ha mga pamilya nga Palestino.

Ha ikaduha nga hugna mahitatabo an hul-os nga pag-atras han Israel ha Gaza ngan dugang nga balyuay hin mga priso. Ha ikatulo nga hugna titikangan an rekonstruksyon han teritoryo nga ginrumok han mga airstrike han Israel. Ngatanan nga mga detalye han ikaduha ngan ikatulo nga hugna ig-aagi ha negosasyon samtang ginpapatuman an syahan nga hugna han kasarabutan,

nga gintatantiya nga malastar hin tulo kasemana.

Ginkalipay han Partido Komunista ng Pilipinas (PKP), kadungan han mga demokratiko nga organisasyon ha bugos nga kalibutan an ukoy-bubto. Sugadpaman, maaram an ngatanan nga diri hini ginhuhuman an Zionista nga okupasyon ngan henosidyo nga gerra. Hito mismo nga adlaw han pag-anunsyo hadton Enero 16, naghimo an Israel hin bag-o nga serye han panmomba. Ha sakob hin 24 oras, 101 nga Palestino an napatay ngan 264 an nasamad ha mga airstrike hini.

"Saludaran naton an ngatanan nga mga mangaraway ha ira kaisog ngan karit ha pag-ato agud magkab-ot hin mga kadaugan para ha katawhan Palestino ha natad han gerra ngan negosasyon," sigon ha PKP. Ginpakita han katawhan Palestino nga ano man kagrabe an terorismo han Israel, waray hini maperdi an ira mapan-ato nga diwa ngan determinasyon nga makabot an ira ginhihingyap nga katalwasan.

Hadton Enero 17, inabot na ha 46,788 nga Palestino an ginpatay han Israel ha ginpapintas nga henosidyo nga gerra hini ha Gaza ha naglabay nga 15 kabulan. Kaupod hini an 18,000 nga kabataan. Aada ha 110,265 an samaran, diin 25% an grabe nga nasamaran. Masobra 90% han populasyon han Gaza napalayas ha ira mga urukyan. **AB**

Tikang ha paypay 9

ngan rehimen ha EU.

Gin-aamkon ni Trump an pagbugos han kasarabutan han ukoy-bubto ha Gaza Strip, nga nagtikang ha Enero 19. Waray kaseguruhan nga mag-iha ini nga kasarabutan, labina nga lanong an Israel ha kawaray-pagrespeto ha bisan ano nga pagsurundon ngan kasarabutan. Ngani, kada adlaw hini nga gintatalapas an ukoy-bubto nga sinakob hini ha Lebanon.

Igpapadayon ni Trump an maka-Zionista ngan mapan-gerra nga pali-siya ha Middle East. Tikang pa ha iya

syahan nga termino, bug-os an iya suporta ha rehimen ni Benjamin Netanyahu ngan ha okupasyon han Zionista nga estado ha mga teritoryo han Palestine ngan lahos pa. Gindayaw niya an Abraham Accords diin ginpakarawat ngan ginhimo niya nga lehitimo an pakigsumpayan han Zionista nga estado ha mga nasud nga Arabo.

Segurado nga papipintason ni Trump an panulsol han US hin gerra ha China. An rehimen ni Trump an nagbug-os hadton 2017 ha estratehiya nga Free and Open Indo-Pacific,

nga nagduso para ha mas hiluag nga presensya militar han US ha Asia, partikular ha South China Sea. Gindeklara na han iya ginpili nga sekretaryo han state department nga "kukumprontahon" ni Trump an China, prinsipal pinaagi han pag-armas ngan panginlabot hini ha Taiwan. Mahinumduman nga hi Trump an syahan nga nagpatuman han Enhanced Defense Cooperation Agreement ha Pilipinas ngan nagduso para ha syahan nga lima nga base militar han US ha nasud. **AB**